

Headlines

1. उपराज्यपाल मनोज सिन्हा होरें आखेआ ऐ जे जम्मू-कश्मीर भारत दा अनचुट हिस्सा ऐ ते म्हेशां रौहग ते बाहर दी कोई बी ताकत इस सच्चाई गी बदली नेई सकदी।
2. कठुआ जिले च आतंकियें दी दरपकड़ लेई तलाशी अभियान लगातार अज्ज चौथे दिन बी जारी रेआ।
3. केंद्री गृह राज्यमंत्री नित्यानंद राय होरें आखेआ जे वतन को जानो प्रोग्राम जम्मू-कश्मीर दे नौजवानें गी मुल्खै दे बाकी हिस्सें कन्नै जोड़ने च कारीगर साबत होआ'रदा ऐ।
4. श्रीनगर दे ट्यूलिप गार्डन गी अज्ज लोके लेई खोली दित्ता गेआ, मुख्मन्त्री उमर अब्दुल्ला होरें एहदा उद्घाटन कीता। जम्मू च बी औंदे म्हीने सनासर ट्यूलिप गार्डन लोके लेई खोल्ली दित्ते जाने दी मेद ऐ।

<><><><><><>

LG-JK

उपराज्यपाल मनोज सिन्हा होरें अज्ज इस गल्ला गी इक्क बारी परतियै दोहराया ऐ जे जम्मू-कश्मीर भारत दा अनचुट हिस्सा ऐ ते म्हेशां रौहग। उनें इस गल्ला उप्पर जोर भरेआ जे कोई बी बाहरी ताकत इस सच्चाई गी बदली नेई सकदी। उपराज्यपाल होरें सख्त स्नेह च आखेआ जे किश शांति-विरोधी तत्व साहडे गोआंडी मुख्मन्त्री दी गलत चाल्लें शा प्रभावित होइयै खेत्तर च अराजकता भड़काने दी कोशश करारदे न, पर उन्दे एह मंसूबें बी जम्मू-कश्मीर दी शांति ते विकास च अड़चन नेई पाई सकदे। इस मौके पर बोलदे होई एल.जी होरें आखेआ।

उपराज्यपाल होरें एह गल्ल आई.आई.एम जम्मू च नीति आयोग दी राज्य सरबन्धी कार्यशाला श्रृंखला दौरान आक्खी। इस मौके उप्पर एल.जी होरें रोजगार दे मौके पैदा करने, प्रतियोगिता ते बिजन कुसा त्रुटी दे लोके तगर सेवां पुजाने दे कम्मा च दरम्याने, लौहके ते भलेआं लौहके उद्योगें दी भूमिका उप्पर बी लोऽ पाई। उपराज्यपाल होरें दुएं मुख्मन्त्री जियां स्विट्जरलैंड ते जर्मनी शां प्रेरणा लेइयै आत्मनिर्भरता ते डिजिटल अपनाने दे महत्व उप्पर जोर पाया। इस मौके पर मुख्मन्त्री सचिव अटल डुल्लू होर बी उत्थे मौजूद हे। इस मौके पर बोलदे होई मुख्मन्त्री सचिव अटल डुल्लू होरें आखेआ।

<><><><><><>

Massive-Search

कठुआ जिले दे जंगली इलाके च घुसपैठ करने आहले आतंकियें दे इक समूह गी फगड़ने लेई अज्ज लगातार चौथे ध्याडे बी व्यापक तलाशी अभियान जारी रेआ। साम्बा-कठुआ च जम्मू-पठानकोट राश्ट्रीय जरनैली शिड़क उप्पर सुरक्षा होर निगगर करी दित्ती गेदी ऐ। सुरक्षा बल सेना, एनएसजी, बीएसएफ, पुलस नै सी.आर.पी.एफ हैलीकाप्टरें, ड्रोनें ते होर दुए आधुनिक उपकरणें राएं इलाके च तपाशी अभियान चला'रदे न। अजें तगर गोला-बरूद बरामद कीता गेआ ऐ ते त्रुं संदिग्धयें थमां पुच्छ-गिच्छ जारी ऐ। मुकामी बसनीक बी पूरे तलाशी अभियान च सहयोग देआ'रदे न।

<><><><><><>

MoS-HM Watan ko Jaano

केंद्री गृह राज्यमंत्री नित्यानंद राय होरें अज्ज आखेआ ऐ जे वतन को जानो प्रोग्राम समाज च सद्भाव बधाने, राष्ट्रीय एकता गी मजबूती देने, नौजवानें च एकता दी भावना गी विकसित करने ते देशभक्ति बक्खी जुडाव पैदा करने च मता कामयाब रेहा ऐ जेदे नै इक मते समावेशी ते सौहार्दपूर्ण समाज दे निर्माण च मदद थ्होआ करदी ऐ। अज्ज राज्यसभा च इक विजन स्टार आहले सोआल दा परता दिंदे होई राज्यमंत्री होरें आखेआ जे जम्मू-कश्मीर सरकार आसेआ शुरू कीता गेदा एहू प्रोग्राम केंद्री गृह मंत्रालय दे माली सहयोग कन्नै चलाया जंदा ऐ। इस प्रोग्राम तैहत जम्मू-कश्मीर दे नौजवानें गी मुलखे दे बक्ख-बक्ख हिस्से च होआरदे विकास, सांस्कृतिक बनसबन्नता ते मुलखे दे सनैहरी ते गौरवपूर्ण इतिहास बारै दस्सेआ जंदा ऐ। मुलखे च होए दे विकास बारै जानियै भाएं उनेंगी सिद्धे तौरा पर कम्म रोजगार ते नेही थ्होंदा, पर दिक्खियै प्रोत्साहन ते अगगै बधने दी भावना विकसित होंदी ऐ ते उब्बी अपने आपै गी हुनरमंद बनाइयै शिक्षा, ज्ञान ते समर्था हासल करियै अगडे बधने लेई प्रेरित होंदे न।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 120मीं किश्त होग। कार्यक्रम च शामिल करने लेई लोक अपने बचार ते सुझाहू 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नो एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

Tulip-Garden

जम्मू-कश्मीर च सैलसु गी बढ़ावा देने बक्खी इक महत्वपूर्ण गें तैहत अज्ज एशिया दे सब्भनें शा बड्डे ट्यूलिप गार्डन गी आम लोकें लेई खोल्ली दित्ता गेआ ऐ। मुखमन्त्री उमर अब्दुल्ला होरें इस समारोह दा उद्घाटन कीता। एहदे खुल्लने कन्नै मेद कीती जारदी ऐ जे होर मती गिनतरी च लोक इस पार्क गी दिक्खने लेई मुलखे दे बक्ख-बक्ख हिस्सें थमां ते विदेशें थमां बी औंगन जेदे नै जम्मू-कश्मीर दे सैलसफा गी होर मता उछाल थ्होग। हर बरे इस ट्यूलिप गार्डन गी इनें दिनें गै लोकें लेई खोलेआ जंदा ऐ। इस रूतै दौरान उत्थे केई किस्मै दे ट्यूलिप दे लक्खां बदे फुल्ल खिडे दे होंदे न जेडे दूरै-दूरै तगर बिछी दी रंग-बिरंगी चादर आहला लेखा इक बडा गे शैल सनाखडा नजारा पेश करदे न। इस मौके पर मजदू मंत्री जावेद अहमद डार होरें मेद प्रगट कीती जे दुनिया भरै च मशहूर इस ट्यूलिप गार्डन गी दिक्खने लेई लोक जरूर औडन। तोआई, जम्मू प्रांतै दे जनासर च बी इसै तर्ज पर इक लौहका ट्यूलिप गार्डन तैयार कीता गेदा ऐ जित्थे ट्यूलिप दिएं 25 कोला मतियें किस्में दे फुल्ल लाए गेदे न जिसी मेद ऐ जे अप्रैल म्हीने दे पैहले हफ्ते लोकें दे दिक्खने लेई खोल्ली दित्ता जाग।

<><><><><><>

Rajouri

आधार नामांकन च अनियमितताएं गी ध्याना च रखदे होई राजौरी दे डिप्टी कमिशनर अभिषेक शर्मा होरें जन्मतीथि च हेरा-फेरी ते जालसाजी च शामिल आपरेटरें गी नौकरी शा बर्खास्त करने दा हुकम जारी कीता ऐ। एहदे बारै साहडे जिला संवाददाता कन्नै गल्ल करदे होई डी.सी राजौरी अभिषेक शर्मा होरें आखेआ।

<><><><><><>

Rajan School Edu.

राजौरी दे जिला विकास कमिशनर अभिषेक शर्मा होरें अज्ज जागतें ते सरकारी हायर सेकेंडरी स्कूल राजौरी च इक दिनै दी नमैश दा उद्घाटन कीता। स्कूली शिक्षा विभाग आसेआ लोआई गेदी इस नमैश च बक्ख-बक्ख स्कूलें थमां आए दे टीचरें ते विद्यार्थिं हिससा लैता ते अपने-अपने स्टालें राएं अपनी सर्मि ते उपलब्धिं दा मजायरा कीता। आकाशवाणी कन्नै इस मौके गल्ल करदे होई डी.सी होरें आखेआ।

<><><><><><>

Ramban

जम्मू-कश्मीर दे बाकी हिस्सें आहला लेखा रामबन जिले दे नौजवान बी प्रधानमंत्री हुंदे रोजगार दे मौके पैदा करने सरबन्धी प्रोग्राम-PMEGP's राएं लाह हासल करा'रदे ना। स्कीम उद्यमियें गी लौहके उद्योग शुरू करने लेई माली मदद मुहैया करा'रदी ऐ। साहडे संवाददाता कन्नै अपने इस सफर गी सांझा करदे होई बनिहाल दे जुबेर अहमद द्राबू होरें दस्सेआ।

<><><><><><>

Kishtwar-Fesitival

किश्तवाड़ दे जिला विकास कमिशनर राजेश कुमार शवन होरें अज्ज जिले च औंदे श-ए-कदर, जुम्मा तुल विदा ते ईद उल फितर दे धेआरें गितै तैयारिं गी मुकदा रूप देने लेई अधिकारिं ते शोरा कमेटी कन्नै इक बैठक लाई। उनें सरबन्धित मैहकमें गी निर्देश जारी कीता जे सब्बै तैयारियां पैहले गै करी लैतियां जान तां जे इनें ध्यारें गी पूरी चाल्ली रमानदारी ते बवस्था आहले ढंगै सिर तोड़ चाढेआ जाई सकै ते लोकें गी कुसै चाल्ली दी दिक्कत जां असुविधा नेई आवै।

<><><><><><>